

«И НЫНЕ» – БОГОРОДИЧЕН, ГЛАС 1:

Гавриилу вещавшу Тебе, Дево, радуйся, / со гласом
воплощашеся всех Владыка, / в Тебе, святем ки-
воте, / якоже рече праведный Давид; / явилася еси
ширшая Небес, / поносивши Зиждителя Твоего. /
Слава Всельшемуся в Тя, / слава Прошедшему из
Тебе, // слава Свободившему нас Рождеством Твоим.

«И НЫНЕ» – БОГОРОДИЧЕН, ГЛАС 2:

Вся, паче смысла, / вся преславная Твоя, Богороди-
це, тайнства, / чистоте запечатанной и девству хра-
ниму, / Мати позналася еси неложна, / Бога рождши
Истиннаго; // Того моли спастися душам нашим.

«И НЫНЕ» – БОГОРОДИЧЕН, ГЛАС 3:

Тя, ходатайствовавшую спасение рода нашего, / вос-
певаем, Богородице Деве: / плотию бо, от Тебе вос-
приятую, Сын Твой и Бог наш, / Крестом восприим
страсть, // избави нас от тли яко Человеколюбец.

«И НЫНЕ» – БОГОРОДИЧЕН, ГЛАС 4:

Еже от века утаеное / и Ангелом несведомое
тайнство, / Тобою, Богородице, сущим на земли
явися Бог, / в неслитном соединении воплощаем / и,
Крест волею нас ради восприим, / имже воскресив
первозданнаго, // спасе от смерти души наша.

«И НЫНЕ» – **БОГОРОДИЧЕН, ГЛАС 5:**

Радуйся, двери Господня непроходима; / радуйся, стено и покрове притекающих к Тебѣ; / радуйся, необуреваемое пристанище и Неискусобрачная, / рождшая плотию Творца Твоего и Бѣга, / молящи не оскудевай о воспевающих // и кланяющихся Рождеству Твоему.

«И НЫНЕ» – **БОГОРОДИЧЕН, ГЛАС 6:**

Благословенную нареки Твою Матерь, / пришел еси на страсть вольным хотѣнием, / возсияв на Кресте, взыскати хотя Адама, / глаголя Ангелом: срадуйтесь Мнѣ, / яко обретется погибшая драхма. / Вся мудре устроивый, / Бѣже наш, слава Тебе.

«И НЫНЕ» – **БОГОРОДИЧЕН, ГЛАС 7:**

Яко нашего воскресения сокрѣвище, / на Тя надеющияся, Всепѣтая, / от рова и глубины прегрешений возведи; / Ты бо повинныя греху спасла еси, / рождшая Спасение наше. / Яже прежде рождества Дѣва, / и в рождестве Дѣва, // и по рождествѣ паки пребываеши Дѣва.

«И НЫНЕ» – **БОГОРОДИЧЕН, ГЛАС 8:**

Иже нас ради рождейся от Дѣвы / и, распятие претерпѣв, Благий, / испровергий смѣртию смѣрть / и Воскресение явлей яко Бѣг, / не презри, яже создал еси рукою Твоею; / яви человеколюбие Твое, Милостиве. / Приими рождшую Тя, Богородицу, молящуюся за ны, // и спаси, Спасе наш, люди отчаянные.